



Kattusseqatigiit Partiiat

Januar 2011

UPA 2011/57

Inatsisartut suleriaasiata § 36-ia naapertorlugu matumuuna nassiuppara apeqquteqaat aallaavigalugu oqallinnissamat siunnersuut:

**Aalisartunut tunisinermi akigitaasartut aammalu nunatsinni kaalalimerngit tunisssi-
arineqartarneri pitsanngorsarniarlugit aalisartut piniartullu nunaqarfiit tunisassiorfii-
nik ingerlatsisunngorsinnaanerit qanoq iliornikkut pitsaanerusunik periarfissarsior-
neqarsinnaaneri pillugit apeqquteqaat aallaavigalugu siunnersuut.**
(Inatsisartunut ilaasortaq Knud Fleischer, Kattusseqatigiit Partiiat)

Tunngavilersuut:

Kalaallit nunaanni avammut niuernermi isaatitsissutaasartoq annerpaaq tassaavoq aalisarneq. Suliffissuaq aalisakkanik suliaqartoq annerpaaq nunatsinni tassaavoq Royal Greenland A/S taannalu tunisassiorfinnik amerlanerpaanik piginnittuuvoq ingerlataqarlunilu. Suliffeqarfik pi-sinnaatitaalluarpoq nammineq suliassanik pingaarnersiui-nissamat, soorlu aalisartunut tulaas-suinermi akinik isumaqatigiissuteqarnissamat aammalu sumi tunisassiassat suliarineqartassa-nersut.

Kattusseqatigiit Partiiani isumaqarpugut suliffeqarfissuup ataatsip salliusutut inissisimanera aalisartunut malunniuteqartartoq, tassalu aalisartut ataasiakkaat akitigut periarfissaasa pitsanngorsarniarnissaat ajornakusuulertarmat. Aammattaaq oqaatigineqarpoq Royal Greenland A/S aalisartunut illua-tungiliuttut unammillertutullu inissisimasoq, soormi aalisartut Royal Gre-enland A/S aqutigalugu angallatitaarsimasut maleruagassanik naapertuilluarsorinngisamin-nik akuersisariaqartarsimallutik, naatsumik oqaatigalugu suliffeqarfimmiit ”naalagarsiortin-neqarlutik”.

Annerpaaq isumaqartariaqanngilaq pitsaanerpaajusoq aammalu suliffeqarfissuup ingerlatsivi-usup ingerlanera namminermini pisariillisagaaneq ajorpoq aammalu sinneqartoorfusinnaana-ni. ***Kattusseqatigiit Partiiani*** isumaqarpugut piffissanngortoq ataasiinnarsiorluni Namminer-sorlutik Oqartussat suliffeqarfiaataat amingartooruteqarfiusartut isiginiarneqarneri qimassallu-git. Oqaluserineqartariaqartullu tassaapput aalisarnerup iluani namminersorluni ingerlani-

Side 1/2

artunut periarfissat pitsaanerusut aalisartunut piniartunullu siunissami qanoq pilersinneqarsinnaaneri.

Inuiaqatigiit kalaallit nunat allat suliffeqarfiutaat tapersersuinnarlugit annassinnaangillat. Suliffeqarfiit mikinerusut akunnattullu nunaqavissunik ingerlanneqartut tapersersornissaat siuarsarnissaallu aamma pisariaqarpoq. Tamannalu pisinnaavoq qanoq ililluta suliffeqarfiit namminersortut mikinerusut suliniutaat periarfissaasalu pitsanngorsaavigineqarnissaasa oqallisiginerisigut, soorlu tunisassiornermik nangitsillutik, suliffeqarfissuit imminut akilersinnaangitsutut nalilersimasaannik, ingerlatsisinnaalersinnaallutik. Taamaalilluni piginnittunngortup imaluunniit piginnittunngortut, namminneq aalajangissuaat suliassat tulleriiaarneqarnissaat, tunisinermi suna akiutinneqassanersoq aammalu tunisassiassap suliarineqarnissaa. Takusareparpummi nunaqarfimmi tunisassiorfimmik namminersortunngorsaaneq akisussaassusilimik aammalu imminut akilersinnaasumik ingerlanneqarsinnaasoq kiisalu akinik naammaginnartunik atuutsitsisinnaalluni.

Piffissaq ungasinnerusoq isigalugu aalisartunut atugassarititaasut pitsanngorsaaviginissaatt aammalu nunatsinni kalaaliminernik imminut pilersornerup pitsanngoriartinnissaa qulakkeersinnaavagut nunaqavissut tunisassiornerup tungaasigut namminersortunngornissamik periarfissanik pitsaanerusunik ammaassiffigigutsigit.

Kattusseqatigiit Partiiat sinnerlugu partiit qanoq oqaasissaqarumaarnersut aammalu Naalakkersuisut oqallinnermut nukittorsaataasumik peqataanissaat qilanaaralugu neriuutigaa qulequtaq sammilluarneqarumaartoq.